



Broj predmeta: 10-724/23
Broj akta: 10-938/23
Datum: 01.11.2023. godine

Na osnovu člana 72, stav (3) tačka c Zakona o javnim nabavkama ("Službeni glasnik BiH" broj: 39/14 i 59/22) direktor Zavoda za planiranje, projektovanje i razvoj Brčko distrikta BiH donosi sljedeću

ODLUKU o izboru najpovoljnijeg ponuđača

Član 1

Ugovor za nabavku i isporuku kancelarijskog materijala za potrebe Zavoda za planiranje, projektovanje i razvoj Brčko distrikta BiH -javna nabavka robe "Kancelarijske potrepštine" za potrebe Zavoda (Lot 1) dodjeljuje se trećerangiranom ponuđaču „AERO EXCLUSIVE“ D.O.O. Sarajevo, sa ponuđenom cijenom od 20.940,00 KM bez obračunatog PDV-a, a nakon što je drugorangirani ponuđač u predmetnom postupku nabavke odbio da potpiše ugovor.

Član 2

Ovom odlukom stavlja se van snage Odluka o izboru najpovoljnijeg ponuđača broj predmeta: 10-724/23 broj akta: 10-897/23 od 23.10. 2023. godine.

Образложење

Postupak javne nabavke pokrenut je Odlukom o pokretanju postupka javne nabavke broj:10-724/23 od 29.08.2023. godine. Predmet javne nabavke je roba „Kancelarijske potrepštine“ Lot 1-nabavka i isporuka kancelarijskog materijala za potrebe Zavoda za planiranje, projektovanje i razvoj Brčko distrikta BiH. Javna nabavka je provedena putem konkurentskog zahtjeva za dostavljanje ponuda sa predviđenim provođenjem e-aukcije. Procijenjena vrijednost javne nabavke za predmetni Lot iznosi 24.000,00 KM bez uključenog PDV-a. Komisija za javne nabavke formirana Odlukom broj predmeta:10-724/23 broj akta: 10-758/23 od 08.09.2023. godine i broj predmeta:10-724/23 broj akta:10-758-1/23 od 11.09.2023. godine sačinila je Zapisnik o pregledu i ocjeni ponuda broj predmeta:10-724/23 broj akta: 10-804/23 od 26.09.2023. godine u kojem je konstatovano da je u predmetnom postupku javne nabavke koja je podijeljena na dva lota, za Lot 1-nabavka i isporuka kancelarijskog materijala za potrebe Zavoda za planiranje, projektovanje i razvoj Brčko distrikta BiH zaprimljeno ukupno pet ponuda koje su blagovremeno dostavljene. Riječ je o ponudama ponuđača: „PRIMAPROM“D.O.O. Banja Luka, „AERO EXCLUSIVE“ D.O.O. Sarajevo, „INTERCOM“D.O.O. Zenica, „RIS“D.O.O. Sarajevo i „MISIJA“ D.O.O. Brčko. Komisija je najprije pregledala dostavljene ponude, kojom prilikom je od ponuđača „MISIJA“D.O.O. Brčko zatraženo pisano obrazloženje neprirodno niske cijene koje je uvaženo. Nakon što je utvrđeno da ponude svih navedenih ponuđača ispunjavaju uslove iz Tenderske dokumentacije broj predmeta:10-724/23 broj akta:10-724-1/23 od 30.08.2023. godine i broj predmeta:10-724/23 broj akta:10-724-2/23 od 31.08.2023. godine, zakazano je provođenje e-aukcije, kako je i predviđeno Tenderskom dokumentacijom. Nakon provedene e-aukcije sačinjena je konačna rang lista ponuđača, na osnovu koje je Komisija dala preporuku ugovornom organu da se ugovor dodijeli ponuđaču „PRIMAPROM“D.O.O. Banja Luka, nakon čega je donesena Odluka o izboru najpovoljnijeg ponuđača broj predmeta:10-724/23 broj

akta:10-819-1/23 od 28.09.2023. godine kojom je ugovor za predmetnu nabavku dodijeljen ponuđaču „PRIMAPROM“ d.o.o. Banja Luka.

Dana 23.10.2023. godine ugovornom organu dostavljen je akt izabranog ponuđača broj: 01-01-801/23 u kojem se navodi da ponuđač PRIMAPROM“ d.o.o. Banja Luka odustaje od zaključenja ugovora, zbog, kako se u navedenom aktu navodi, promijenjenih okolnosti koje su nastupile nakon dostavljanja ponude u predmetnom postupku javne nabavke, koje nisu mogli predvidjeti niti izbjeći, a koje onemogućavaju ispunjenje njihove obaveze na način koji je predviđen ugovorom.

Obzirom na navedeno ugovorni organ je postupio u skladu sa članom 72, stav (3) tačka c Zakona o javnim nabavkama, te ugovor za predmetnu nabavku dodijelio drugorangiranom ponuđaču „MISIJA “ d.o.o. Brčko. Dana navedeni ponuđač dostavio je Zavodu dokument u kojem se navodi da nisu u mogućnosti da potpišu ugovor obzirom da su po završenoj e-aukciji prodali robu koju su imali na lageru, a drugi razlog je najavljeno poskupljenje cijene papira na tržištu od 01.11.2023. godine što bi, kako tvrde, značilo poskupljenje većine robe tražene po predmetnoj nabavci.

Imajući u vidu navedeno ugovorni organ je postupio u skladu sa članom 72, stav (3) tačka c Zakona o javnim nabavkama, te ugovor za predmetnu nabavku dodijelio trećerangiranom ponuđaču „AERO EXCLUSIVE“ D.O.O. Sarajevo.

POUKA O PRAVNOM LIJEKU:

Protiv ove Odluke nezadovoljna stranka može podnijeti žalbu u roku od 5 (pet) dana od dana prijema Odluke i to Kancelariji za razmatranje žalbi Bosne i Hercegovine a putem ugovornog organa.

DIREKTOR

Ismet Dedeić, dipl.inž.saobr.



Dostavljeno:

- ① Internet stranici/ Oglasnoj ploči Zavoda za planiranje, projektovanje i razvoj Brčko distrikta BiH;
2. Sektoru za planiranje društveno-ekonomskog razvoja i zajedničke poslove;
3. „PRIMAPROM“D.O.O. Banja Luka;
4. AERO EXCLUSIVE“D.O.O. Sarajevo;
5. „INTERCOM“D.O.O. Zenica;
6. “RIS“D.O.O. Sarajevo;
7. „MISIJA“ D.O.O. Brčko;
8. Evidenciji;
9. Arhivi.